



# A V R O Y,

## E T A N O S S E I G N E V R S

### D E S O N C O N S E I L.



SIRE,

(pièce 52<sup>te</sup>)

Charles Remouffin, Prestre Curé d'Autigny, Diocèse de Roüen, remonstre tres-humblement A VOSTRE MAIESTE, que les Religieux de la Congregation Nostre Dame de Feüillants ayans obtenu de Henry IV. Roy de France, l'an 1602. le Prieuré nostre Dame d'Ouille des Chanoines Reguliars de S. Augustin, sur la demission de Daniel de Boiwin Prieur commendataire, (duquel Prieuré, dependent cinq Cures, dont lefdits Religieux estoient Curez à tiltre, & entr'autres de celle d'Autigny, qui toutesfois mettoient des Vicaires à jour en leur place, & residoient audit Prieuré) obtindrent, sur la nomination dudit Roy de France, vne Bulle de sa Sainteté Clement VIII. le 13. Feurier 1603. adressante au sieur Official dudit Roüen, (d'autant que ledit Prieuré estoit dans ledit Diocèse) avec puissance & commission de changer ledit Prieuré des mains desdits Chanoines, en celles desdits Feüillants, ce qui causa ledit suppliant (qui dans ladite Bulle est nommé par sa Sainteté aux mesmes droicts des autres Curez dependans dudit Prieuré, ainsi que l'on peut voir dans icelle, & les certificats des Curez de Pretot & de Verbois, dependans aussi dudit Prieuré) pretendait qu'ils eussent vsurpé (contre la teneur de ladite Bulle) la dixme & terres d'aumosne de sadite paroisse, à les faire assigner pardeuant ledit sieur Official sur le petitoire, le 21. Decembre 1643. (apres toutesfois le possessoire vuide, selon les Ordonnances, notamment de François I. Roy de France article 49.) où ayant fondé procureur, demanderent à voir son escrit, auquel ne pouuans respondre, se laisserent par contumace & défaut en presence condamner les 23. May, 17. Iuin, & 8. Iuillet 1644. & presenterent vne requeste au Priué Conseil du Roy, sur laquelle le 19. Iuillet 1644. il fut ordonné qu'elles seroient cassee & annullees, comme donnees en attentat, & au preiudice de l'Arrest dudit Conseil, sur le possessoire du 23. Iuin 1643. avec defences audit sieur Official, & tous autres Iuges de prendre connoissance du petitoire d'icelles dixmes, quoy que l'on puisse voir par leur teneur, qu'elles deferoient audit Arrest, au lieu d'y attenter, ce qui donna mesme suiet au suppliant, qui en vertu desdites Sentences dudit sieur Official, auoit perceu quelques dixmes, ne pouuant recourir si promptement audit Conseil, pour faire casser ledit Arrest, veu la saison instante de passer declaration deuant le Iuge royal des lieux, (où les Feüillants l'auoient traduit sur vne clameur de haro) comme sans preiudice de ses droicts, raisons & defenses, il demandoit la preference du bail des dixmes, au prix du fermier qui les tenoit,





en donnant bonne & suffisante caution , iusques à ce qu'autrement il fust ordonné , & que lesdites Sentences fussent confirmées , & ledit Arrest cassé. De laquelle preference ayant esté refusé , il se porta pour appellant dudit refus au Parlement dudit Roüen, ce que reconnoissant lesdits Feüillants, presenterent audit Conseil vne seconde requeste , qui assigna au Conseil le suppliant , avec defences audit Parlement d'en prendre cognoissance , où le suppliant ayant comparu , pour monstrier par actes authentiques , comme il ne vouloit faire iuger audit Parlement vne chose ja iugée , ainsi qu'exposioient lesdits Feüillants, ains sur la preference du bail de ladite dixme, & quoy que Messieurs les Agents generaux du Clergé de France fussent interuenus parties pour la cassation dudit Arrest du 19. Iuillet 1644. qui auoit cassé lesdites Sentences en petitoire de dixmes. Ledsits Feüillants neantmoins, & leur fermier, le 13. Auril 1646. furent deschargez de ladite assignation faite à ladite Cour , à la requeste du suppliant, qui fut condamné aux despens , sans auoir esgard à ladite intervention : ce qui donna sujet à Nosseigneurs de l'Assemblée generale de l'an 1646. de donner commission à monsieur de Beauregard ( pour lors Agent du Clergé ) de presenter requeste audit Conseil , pour faire casser lesdits Arrests des 19. Iuillet 1644. & 13. Auril 1646. sur laquelle il fut dit , le 21. Aoust 1646. Que lesdits Religieux seroient assignez au mois , aux fins de la requeste , & par autre Arrest du 20. May 1647. qu'ils representeroient les Bulles , ce qui obligea lesdits Feüillants , qui voyoient leur ruse descouuerte par ce moyen , de faire solliciter par plusieurs personnes de qualité monsieur le Chancelier, qui les auoit tousiours portez , à cause de feu monseigneur Vialar Euesque d'Auranches , son parent, qui auoit esté leur General , qu'il fit ordonner par Arrest dudit Conseil du 13. Septembre 1647. qu'il n'y auoit droit de se pourvoir en petitoire de dixmes. Et pour ce sujet mit les parties hors de cour & de procès , sans despens. Sur la cassation desdits Arrests du 19. Iuillet 1644. & 13. Auril 1646. qui est la plus grande & 3. infraction de la iurisdiction Ecclesiastique , & qui suppose la verité de la Bulle qui s'adressoit à l'Official de Roüen, pour ordonner du changement d'Augustins en Bernardins. Desquels Arrests lesdits Feüillants prenans aduantage , ont traité le suppliant avec des rigueurs non seulement indignes d'un Chrestien & de Religieux , mais esloignez mesmes de l'humanité , ayant fait saisir tous ses biens pour les pretendus despens, ausquels le suppliant auoit esté condamné par ledit Arrest du 13. Auril 1646. Et quoy que ledit Arrest du 13. Septembre 1647. qui est celuy qui sembloit terminer les differends des parties, donne par chacun an cinq cent liures de pension au suppliant, ou cent liures avec ce qu'il auoit, ils ne luy ont payé, ny rabattu sur lesdits pretendus despens , aucuns deniers , qui est encor vn nouuel attentat contre ledit Arrest , voulant pour ce sujet , par ce moyen par vne politique , plustost turquesque que Chrestienne , faire quitter le suppliant par la faim ne le pouuant par les armes de Iustice, & par vne vengeance secrette, luy ont suscité , & fait susciter par ses paroissiens, leurs Fermiers, d'autres procez contre mesme la iurisdiction Ecclesiastique , qui ne sont encore terminez , pour le consumer en frais , & l'empescher de venir se jeter à vos pieds pour implorer vostre protection en des choses qui vous touchent de si près. A CES CAUSES, SIRE, il plaist à Vostre Majesté , sans auoir égard ausdits Arrests de vostre Conseil du 19. Iuillet 1644. 13. Auril 1646. & 13. Septembre 1647, don-



nez contre vos Ordonnances & les immunités du Clergé , ordonner que  
lesdites sentences de l'Official de Roüen , donnees en petitoire de dixme , les  
23. May , 17. Iuin & 8. Iuillet 1644. seront executées selon leur forme & te-  
neur , conformément aux Arrests dudit Conseil des 21. Aoust 1646. & 20.  
May 1647. & faire defenses ausdits Religieux de plus troubler le suppliant , &  
de se plus pourvoir audit Conseil, & il continuera ses prieres pour la prosperi-  
té & santé de Vostre Maiesté.

et comme ces Ordonnances de l'Ordre de St. Louis, données en l'année de la dixième, les  
Mars 17, Juin 28, Juillet 1844, seront exécutées selon leur forme & ten-  
neur, conformément aux Articles dudit Ordonnance des 21, Août 1844, & 20.  
Mars 17, & tant de l'un qu'autre de ces Ordonnances, & de plus, le Roi, &  
de ses plus honorables conseillers, & il continuera les prières pour la prospé-  
rité de la France & de la Ville de Paris.